

新刊權載之文集

權載之文集卷二

唐權 德輿 字載之

律詩

奉和李相公早朝於中書候傳點偶書所懷奉

呈門下相公中書相公

五更鍾漏歇千門
扁鑰開紫微
殘月下黃道
曉光來辨
色趨中禁分班列
上台祥烟初繚繞
威鳳正徘徊
斧藻
歸全德輪轅適衆材
化成風偃草
道合鼎調梅
渥命隨
三接皇恩暢九垓
嘉言造膝去
喜氣沃心迴
東閣延多
士南山賦有臺
陽春那敢和
空此詠康哉

奉和于司空二十五丈新卜城南郊居東接司徒公別墅卽事書情奉獻兼呈李裴相公

一德承昌運三公翊至尊雲龍諧理代魚水見深恩別墅池塘曉晴郊草木蕃溝塍連杜曲茅土盛于門卜築因登覽經邦每討論退朝鳴玉會入室斷金言林援依東閣壺觴接後園逕深雲自起風靜葉初翻宰物歸心匠虛中卽化源巴人寧敢和空此媿遊藩

奉和新卜城南郊居得與衛右丞隣舍因賦詩寄贈

上宰坐論道郊居仍里仁六符旣昭晰萬象隨陶鈞旭

旦下玉墀鳴騶拂車茵軒窗退殘暑風物迎蕭辰山澤
蜃雨出林塘魚鳥馴豈同求羊逕共是義皇人石君五
曹重左戶三壤均居止烟火接逢迎雞黍頻大方本無
隅盛德必有隣千年郢曲後復此閩陽春

奉和韋曲莊言懷貽東曲外族諸弟

韋曲冠蓋里鮮原鬱青葱公台睦中外墅舍隣西東騶
馭出國門晨曦正瞳矓燕居平外土野服叅華蟲疆畝
分古渠烟霞連灌漑長幼序以齒歡言無不同憶昔全
盛時鄖郢播休功代業橫宇內光塵藹墟中慨息多承
歎歌詩厚時風小生忝瓜葛慕義斯無窮

和王侍郎病中領度支煩迫之餘過西園書堂

閑望

憑檻輟繁務晴光烟樹分
中邦均禹貢上藥驗桐君
滿
逕風轉蕙卷簾山出雲
鏘然玉音發餘興在斯文

奉和度支李侍郎早朝

夙駕趨北闕曉星啟東方
鳴騶分騎吏列燭散康莊
照
灼華簪並委迤綺陌長
腰金初辨色噴玉自生光
獻替
均三壤貞明集百祥
下才叨接武空此媿文昌

奉和劉侍郎司徒奉詔伐叛書情呈宰相

玉帳元侯重黃樞上宰雄
緣情詞律外宣力廟謀中
震

耀恭天討嚴凝助歲功行看畫麟閣凜凜有英風

奉和鄜州劉大夫麥秋出師遮虜有懷中朝親

故

天子愛全才故人雄外臺綠油登上將青綬亞中台亭
障鳴笳入風雲轉旆來蘭坊分杳杳麥壠望莓莓月向
瑠弓滿蓮依寶劔開行師齊鶴列錫馬盡龍媒壯志徵
梁甫嘉招萃楚材千尋推直幹百鍊去纖埃間澗勞相
望歡言幸早陪每聯花下騎幾泛竹間杯芳訊雙魚遠
流年兩鬢催何時介圭覲攜手詠康哉

太原鄭尚書遠寄新詩走筆酬贈因代書賀

曉開閭闔出絲言共喜全才鎮北門職重油幢推上略
榮兼草履見深恩昔歲經過同二仲登朝竝命慙無用
曲臺分季奉齋祠直筆繫年陪侍從芬芳雞舌向南宮
伏奏丹墀跡又同公望數承黃紙詔虛懷自號白雲翁
戎裝蹀躞紛出祖金印煌煌寵司武時看介士閱犀渠
每狎儒生冠章甫晉祠汾水古并州千騎雙旌居上頭
新握兵符應感激遠緘詩句更風流緇衣諸侯諒稱美
白衣尙書何可比只今麟閣待丹青努力加餐報天子

奉和許閣老酬淮南崔七十端公見寄

文行蘊良圖聲華挹大巫掄材超粉署駁議在黃樞自

得環中辯偏推席上儒八音諧雅樂六轡騁康衢密侍
今鏘珮雄才本弄縑鑪烟霏瓊闥宮漏滴銅壺舊友雙
魚至新文六義敷斷金揮麗藻比玉詠生芻交辟嘗推
重單辭忽受誣風波疲賈誼歧路泣楊朱溟漲前程險
炎荒旅夢孤空悲鷲跼水翻美雁銜蘆故國方迢遞羈
愁自鬱紆遠猷來象魏霈澤過番禺盡室扁舟客還家
萬里途索居因仕宦著論擬潛夫帆席來應駛郊園半
已蕪夕陽尋古逕涼吹動纖枯憶昔同駟傳忘懷或據
梧幕庭依古刹緡稅給中都瓜步經過慣龍沙眺聽殊
春山嵐漠漠秋渚露塗塗

德興建中興元之間與崔同
爲鹽鐵邑大夫從事楊子旣

濟寺貞元初德興受碑於江
西廉推崔又知度支院在焉
孰謂原思病非關霽武愚
方看簪獬豸俄歎繫駒踪
芳訊風情在佳期歲序徂
二賢歡最久三益義非無
柏悅心應爾松寒志不渝
子將陪禁掖亭伯限江湖
交分終推轂離憂莫向隅
分曹日相見延首憶田蘇

奉和李給事省中書情寄劉苗崔三曹長因呈

許陳二閣老

常寮幾處伏明光
新詔聯翩夕拜郎
五夜漏清天欲曙
萬年枝暖日初長
分曹列侍登文石
促膝閑謠接羽觴
共說漢朝榮上賞
豈令三友滯馮唐

過張監閣老宅對酒奉酬見贈

其年停
貢舉

里仁無外事徐步一開顏
荆玉收難盡齊竽喜暫閑
秋風傾菊酒齊景下蓬山
不用投車轄甘從倒載還

奉和張舍人閣老閣中直夜思聞雅琴因以書
事通簡僚友

紫垣宿清夜藹藹復沉沉
圓月衡漢淨好風松篠深
軒窗韻虛籟蘭雪懷幽音
珠露銷暑氣玉微結遐心
盛才本殊倫雅誥方在今
佇見舒綵翮翻飛歸鳳林

和兵部李尚書東亭詩

三接履聲退東亭斯曠然
風流披鶴氅操割佩龍泉
雲

卷巖巘疊雨餘松桂鮮豈煩禽尚遊所貴天理全

和司門殿員外早秋省中書直夜寄荆南衛象

端公

共嗟王粲滯荊州才子爲郎憶舊遊涼夜偏宜粉署直
清言遠待玉人酬風生北渚烟波澗露下南宮星漢秋
早晚得爲同舍侶知君兩地結離憂

酬陸三十二叅浙東見寄

驗馬別已久鯉魚來自烹慙慙故人意怊悵中林情
蒞重江外杳杳一枝瓊搔首望良觥爲君華髮生

奉酬張監閣老雪後過中書見贈加兩韻簡南

省僚舊

寓直久叨榮新恩倍若驚風清五夜永節換一陽生潘
鬢年空長齊竽藝本輕常時望連茹今日劇懸旌枉步
歡方接含毫思又繁煩君白雪句歲晏若爲情

酬主客仲員外見賀正除

五年承乏奉如綸才薄那堪侍從臣禁曙獨聞清漏曉
命書慙對紫泥新周班每喜簪裾接郢曲偏宜諷詠頻
憶昔曲臺嘗議禮見君論著最相親

奉和太府韋卿閣老左藏庫中假山之作

春山仙掌百花開九棘晉金有上才忽向庭中摹峻極

如從洞裏覓昭回小松已負干霄狀片石皆疑縮地來
都內今朝似方外仍傳麗曲寄雲臺

奉和崔評事寄外甥劉同州并呈杜賓客許給

事王侍郎昆弟楊少尹李侍衛并見寄之作

芳訊來江湖開緘粲瑤碧詩因乘黃贈才擅雕龍格深
陳名教本諒以仁義積藻思成采章雅音聞噉繹清時
左馮翊貴仕二千石前日應星文今茲啟華戟謝公嘗
乞墅乾音甯氏終相宅往歲疲草元忘年齊舉白酒酣
吟更苦夜艾談方劇棗巷風雨秋石頭烟水夕多逢長
者轍不屑諸公碎酷似仰牢之雄詞挹亭伯老驥念千

里飢雁舒六翮，
能捨郊扉來偶朝中客。

和職方殷郎中留滯江漢初至南宮呈諸公并

見寄

十歲別文昌，
藩符寄武當。
師貞上介，
辟恩擢正員郎。
藻思烟霞麗，
歸軒印綬光。

頃佐山南
榮加章服

還希駐輦問，
莫自歎

馮唐

奉酬從兄南仲見示十九韻

晉季天下亂，
安邱佐關中。
德輝竊家謀，
侯籍推時功。
管纓盛西州，
清白傳素風。
逢時有舒卷，
繕性無窮通。
吾兄挺奇姿，
向晦道自充。
耕鑿汝山下，
退然安困蒙。
詩成三

百篇儒有一畝宮
琴書滿座右
芝朮生牆東
麗藻榮相
鮮晨輝
艷芳藜
清光杳無際
皓魄流霜空
邦有賢諸侯
主盟詞律
雄薦賢比
文舉理郡
邁文翁樓
中賞不獨
池畔醉每
同聖朝開
四門發跡
貴名公小
生何爲者
往歲學雕
蟲華簪映
武弁一年
被微躬開
緘捧新詩
瓊玉寒青
葱謬進空
內訟結懷
遠忡忡時
來無自疑
刷翮摩蒼
穹

酬崔千牛四郎早秋見寄

浩歌坐虛室
庭樹生涼風
碧雲滅奇彩
白露萎芳蕖
感此時物變
悠然遐想通
偶來被簪組
自覺如池籠
少年

才藻新金鼎世業崇鳳文已彪炳瓊樹何青葱聯鑣長
安道接武承明宮君登玉墀上我侍彤庭中疲病多內
愧切嗟常見同起予覽新詩逸韻凌秋空相愛每不足
因茲寓深衷

酬靈徹上人以詩代書見寄

時在薦福寺坐夏

蓮花出水地無塵中有南宗了義人已取貝多翻半字
還將陽燄論三身碧雲飛處詩偏麗白月圓時信本真
更喜開緘銷熱惱西方社裏舊相親

酬蔡十二博士見寄四韻

蕪城十年別蓬轉居不定終歲白屋貧獨謠清酒聖風

塵韋帶滅霜雪松心勁何以浣相思
啟元能盡性君著周易

啟元
十卷

戲和三韻

墨翟突不黔范丹甑生塵君今復勞歌鶴髮吹濕薪前

詔許真秩何如巾軟輪君貞元十一年以隱君拜命詔書令州府給傳乘詣關到日

授正
官

李十韶州寄途中絕句使者取報修書之際口

號酬贈

詔下忽臨山水郡不妨從事恣攀登莫言向北千行雁

別有圖南六月鵬

崔四郎協律以詩見寄兼惠蜀琴因以酬贈

臨風結煩想客至傳好音白雲絨郢曲朱絃巨蜀琴冷
冷響幽韻欸欸寄遐心晚歲何以報與君期斷金

酬馮絳州早秋絳臺感懷見寄

良牧閑無事層臺思渺然六條榮印綬三晉辯山川洗
墳謠謠令開襟眺聽偏秋光連大鹵霽景下新田葉落
徑庭樹人歸曲沃烟武符頌美化元字訪疑年經術推
多識卿曹亦累遷齋祠常竝冕官品每差肩按部青絲
騎裁詩白露天知音愧相訪商洛正閑眠

酬趙尚書杏園花下醉後見寄

時爲太常卿

春光深處曲江西八座風流信馬蹄鶴髮杏花相映好
九
芙蓉終日醉如泥

酬趙尙書城南看花日晚先歸見寄

杜城韋曲遍尋春處處繁花滿目新日暮歸鞍不相待
與君同是醉鄉人

權載之文集卷第三

唐權德輿字載之

雜詩

伏蒙十六叔寄示喜慶感懷三十韻因獻之

受氏自有殷樹功緬前秦圭田接土宇侯藉相紛綸二十

代祖前秦僕射安邱敬公事具十六國春秋及晉書八
代祖周宜昌公七代祖隋鄭城公六代祖皇朝封平涼
公皆以勳庸而受爵土也道義集天爵菁華極人文握蘭中臺並折

桂東堂春五代伯祖屯田郎中府君叔祖水都員外郎
府君同登省闈事具南宮故事曾王父成都

府君曾祖叔梓州府君長安府君同祖德蹈前哲家風

以進士居甲科載在登科記之內也播清芬王父右羽林錄事府君與席文公建侯友善又
與蘇司業源明包著作融爲文章之友唱酬往

復各有文集 先公秉明義大節逢艱屯獨立挺忠孝至誠感

神人命書備追錫跡遠道不伸小生諒無似積慶遭昌
辰九年西掖忝五轉南宮頻司理因曠職曲臺仍禮神
愧非夔龍姿忽佐堯舜君內惟負且乘徒以弱似仁豈
足議大政所憂玷羹倫叔父貞素履含章窮典墳百氏
若珠貫九流皆翬分黃鍾蘊聲調白玉那緇磷清論坐
虛室長誥宜幅巾開關接仁祠支策無俗賓種杏當暑
熟烹茶含露新井徑交碧蘚軒窻棲白雲飛沉禽魚樂
芬馥蘭桂薰經術宏義訓息男茂嘉聞筮仕就色養宴
居忘食貧四方有勦車上國有蒲輪行當反招隱豈得

常退身秦吳路杳杳
烟海望云云侍坐馳夢寐結懷積
昏昕發函捧新詩慈誨情殷勤省躬日三復拜首書諸
紳

酬李二十二兄主簿馬跡山見寄

並序

族內兄暢純靜而深直方而文與予同寓居丹陽丹陽
郭北四十里所有馬跡山山有奇峯怪石且多昔賢真
仙之所游踐方外士殷渙然通易經老嚴之旨居於山
下從舅原均探異好古亦往來棲息其間貞元元年兄
以典校秘書調補江陵松滋主簿以地遠不就職予以
環衛冗秩罷漕輓從事且久家居食貧里巷相接其明

年兄命駕遊此山予以疾故不克偕往既而猥辱鍾陵
檄召兄白山中以詩一首見貽理精詞達清滌心府三
復其文如至山下終篇則戲以出處之跡見誚故予復
之於此章仍加六十字以就全數

杳杳塵外想悠悠區中緣如何戰未勝曾是教所牽遠
知有靈峯夙昔栖真仙鸞聲去已久馬跡空依然丹崖
轉初旭碧落凝秋煙松風共蕭颯蘿月想嬋娟內兄輒
還心嘉遲性所便不能棲枳棘且復探雲泉中有真寂
人閑讀逍遙篇聯袂共支策攜衣嘗絕編徐行石上苔
靜韻風中絃烟霞濕儒服日月生寥天新詩來起予雅

璨六義全能盡含寫意轉令山水鮮若聞笙鶴聲宛在
耳目前登攀阻心賞愁疾空懷賢出處豈異途心冥卽
真筌暫從西府檄終卧東菑田不嫌予步蹇但恐君行
適如能固曠懷谷口期窮年

酬陸四十楚源春夜宿虎邱山對月寄梁四敬
之兼見貽之作

東風變蘅薄時景日妍和更想千峯夜浩然幽意多蕙
香襲閑趾松露沾喬柯潭影漾霞月石床封薜蘿夫君
卅歲時已負青真姿龍虎一門盛洲雲四海推駸駸步
驟曼婉婉翳長離元圃盡瓊樹家林輕桂枝聲榮徒外

獎恬淡方自適逸氣凌顯清仁祠訪金碧芊眠瑶草秀
斷續雲竇滴芳訊發幽緘新詩比良覲故人石渠署美
價滿中朝落落杉松直芬芬蘭杜飄雄詞鼓溟海曠度
豁烟霄營道幸同術論心皆後凋循環伐木詠緬邈招
隱情慙茲擁腫才愛彼潺湲清拘牽尙多故夢想何由
并終結方外期不待華髮生

酬穆七侍郎早登使院西樓感懷

耿耿宵欲半振衣庭戶前浩歌撫長劒臨風泛清絃晴
霜灑寒蕪微月露碧鮮杉梧韻幽籟河漢明秋天良夜
雖可翫沉憂逾浩然樓中遲啟明林際揮宿烟晨風響

鍾鼓曙色分山川滔滔大江駛杲杲朝日懸因窮西南
永得見天地全動植相糺紛車徒競喧闐鱸鮪躍洪流
麴慶倚荒阡噤噤白雲鴈嘒嘒清露蟬一氣鼓萬殊晦
明相推遷羲和無停鞅不得常少年當令志氣神及此
鬢髮元豈唯十六族今古稱其賢夫君才氣雄振藻何
翩翩詩輕沈隱侯賦擬王仲宣小鳥搶榆枋大鵬激三
千與君期晚歲方結林棲緣

奉和李大夫題鄭評事江樓

達士無外累隱机依南郭茅棟上江開布帆當砌落支
頤散華髮欹枕曝靈藥入鳥不亂行觀魚還自樂何時

金馬詔早歲建安作往事盡筌蹄虛懷寄杯杓邦君駐
千騎清論時間酌憑檻出煙埃振衣向寥廓心源齊彼
是人境勝巖壑何必栖冥冥然後避婚繳

春遊茅山酬杜評事見寄

喜得賞心處春山豈計程連溪芳草合半嶺白雲晴絕
澗漱冰碧仙壇挹顛清懷君在人境不共此時情

和韓侍御白髮

白髮今朝見虛齋曉鏡清乍分霜簡色微映鐵冠生暮
下多能事周行挹令名流年未可歎正遇泰階平

和邵端公醉後寄于諫議之作

莫羨簷前柳春風獨早歸陽和次第發桃李更芳菲

和李大夫西山祈雨因感張曲江故事十韻

亞相冠貂蟬分憂統十聯火星當永日雲漢倬炎天齋
禱期靈貺精誠契昔賢中宵出騶馭清旭旅牲牲觸石
看初起隨車應物先雷音住絕巘雨足晦平阡蕭灑四
溟合空濛萬頃連歌謠誼澤國稼穡遍原田故事三台
盛新文六義全作霖應自此天下待豐年

同陸太祈鴻漸崔法曹載華見蕭侍御留後說
得衛撫州報推事使張侍御却迴前刺史戴
員外無事喜而有作三首

專城書素至留臺忽報張綱攬轡迴共看昨日蠅飛處
併是今朝鵲喜來

鶴髮州民擁使車人人自說受恩初如今天下無冤氣
乞爲邦君雪謗書

眾人哺啜喜君醒渭水由來不雜涇遮莫雪霜撩亂下
松枝竹葉自青青

荅韋秀才寄一首

中峯雲暗雨霏霏水漲花塘未得歸
心憶瓊枝望不見
幾迴虛濕薜蘿衣

戶部王曹長楊考功崔刑部二院長並同鍾陵

使府之舊因以寄贈又陪郎署喜甚常寮因

書所懷且敘所知

一作前好

忽驚西江侶共作南宮郎宿昔芝蘭室今茲鴛鴦行子
猷美風味左戶推公器含毫白雪飛出匣青萍利子雲
嘗燕居作賦似相如閑成考課奏別貢賢良書子玉諒
貞實持刑愼丹筆秋天鴻鵠姿晚歲松筠質伊予誠薄
才何幸復趁陪偶來塵右掖空此憶中臺時節東流駛
悲歡追往事待月登庾樓排雲上蕭寺盍簪蓮府燕落
帽龍沙醉極浦送風帆靈山眺烟翠解頤通善謔喻指
窮精義擲管或飛章分曹時案吏雨散與蓬飄秦吳兩

寂寥方期全擁腫豈望躡扶搖夜直分三署晨趨共九
霄外延時接武廣陌更連鑣北極星辰拱南薰氣序調
欣隨眾君子並立聖明朝

貢院對雪以絕句代八行奉寄崔閣老

寓宿春闈歲欲除嚴風密雪絕雙魚思君獨步西垣裏
日日含香草詔書

初秋月夜中書宿直因呈楊閣老

欵枕直廬暇風蟬迎早秋沉沉玉堂夕皎皎金波流對
掌喜新命分曹諧舊遊相思翫華彩因感庾公樓

唐開州文編遠寄新賦累惠良藥咏嘆仰

佩不覺斐然走筆代書聊申還荅

風雨竦庭柯端憂坐空堂多病時節換所思道里長故人朱兩轡出自尚書郎下車今幾時理行遠芬芳瓊瑤覽良訊茅苕滿素囊結根在貴州蠲疾傳古方探擷當五月慙慙逾八行深情婉如此善祝何可忘復有金玉音煥如龍鳳章一聞靈洞說若覩羣仙翔三清飛慶霄百汰成雄鏗體物信無對洒心願相將昔年同旅食終日窺文房春風眺蕪城秋水渡柳楊君爲太史氏弱質羈楚鄉今來忝司諫千騎遙相望歸雲夕鱗鱗圓魄夜蒼蒼遠思結鈴閣何人交羽觴行見徵潁川無爲薄淮

陽政成看再入列侍爐烟傍

待漏假寐夢歸江東舊居

一下有因寄惠閣黎
茅處士時德與秉政

未果
會也

十年江浦卧郊園
閑夜分明結夢魂
舍下烟蘿通古寺
湖中雲雨到前軒
南宗長老知心法
東郭先生識化源
覺後忽聞清漏曉
又隨簪佩入君門

祇命赴京途次淮口因書所懷

弱植素寡偶
趨時非所任
感恩再登龍
求友皆斷金
彪炳觀奇采
淒淒聞雅音
適欣佳期接
遽歎離思侵
靡靡遵遠道
忡忡勞寸心
難成獨酌謠
空奏伐木吟
汶寥清

冬時蕭索白晝陰交歡諒如昨滯念紛在今因風試矯
翼倦飛會歸林向晚清淮駛迴首楚雲深

省中春晚忽憶江南舊居戲書所懷因寄兩浙

親故雜言

前年冠獬豸戎府隨賓介去年簪進賢贊導法宮前今
茲戴武弁謬列金門彥問我何所能頭冠忽三變野性
慣疎閑晨趨興暮還花時限清禁霽後愛南山晚景支
頤對樽酒舊遊憶在江湖久庾樓柳寺共開襟楓岸烟
塘幾攜手結廬嘗占練湖春猶寄藜床與幅巾疲羸只
欲思三徑懸直那堪備七人更想東南多竹箭元圃琅

玕共菘蒨裁書且附雙鯉魚偏恨相思未相見

寄李衡州

時所居卽衡州宅

片石叢花畫不如
庇身三逕豈吾廬
主人千騎東方遠
唯望衡陽鴈足書

寄臨海郡崔禪璋

美酒步兵厨古人嘗宦遊
赤城臨海嶠君子今督郵
吏隱豐暇日琴壺共冥搜
新詩寒玉韻曠思孤雲秋
志士誠勇退鄙夫自包羞
終當就知己莫戀潺湲流

李韶州著書常論釋氏之理貴州有能公遺跡

詩以問之

常日區中暇時聞象外言曹溪有宗旨一爲勸心源

馬上贈虛公

馬足早塵深影纓又滿襟吾師有甘露爲洗此時心

郴州換印緘遣之際率成三韻因寄李二兄員

外使君

緘題桂陽印持寄朗陵兄刺舉官猶屈風謠政已成行
看換龜紐奏最謁承明

早發杭州泛富春江寄陸三十一公佐

候曉起徒馭春江多好風白波連青雲蕩漾晨光中四
望浩無際沉憂將此同未離奔走途但恐成悲翁俯見

觸餌鱗仰目凌霄鴻纓塵日已厚心累何時空區區此
人世所向皆樊籠唯應杯中物醒醉爲窮通故人元圃
姿瓊樹紛青葱終當此山去共結蘭桂藂

寄侍御從舅

初免職歸山東一作侍御從
舅初免職歸東山寄以詩

靡靡南軒蕙迎風轉芳滋落落幽澗松百尺無附枝世
物自多故達人心不羈偶陳幕中畫永負林間期感恩
從慰薦循性難縈維野鶴無俗質孤雲多異姿清冷松
露泣照灼巖花遲終當稅塵駕來就東山嬉

湖上晚眺呈惠上人

湖上煙景好鳥飛雲自還幸因居止近日覺性情閑獨

酌乍臨水清機常見山此時何所憶淨侶話元關

新秋月夜寄故人

客心宜靜夜月色澹新秋影落三湘水詩傳八詠樓何窮對酒望幾處捲簾愁若問相思意隨君萬里遊

自揚子歸丹陽初遂閑居聊呈惠公

移疾喜無事卷簾松竹寒稍知名是累日與靜相歡賽淺逢機少迂疎應物難只思閑夜月共向沃州看

月夜過靈徹上人房因贈

此身會逐白雲去未洗塵纓還自傷今夜幸逢清淨境
滿庭秋月對支郎

戲贈張鍊師

月帔飄飄摘杏花相邀洞口勸流霞
半酣乍奏雲和曲疑是龜山阿母家

戲贈天竺靈隱二寺寺王

石路泉流兩寺分尋常鐘磬隔山聞
山僧半在中峯住共占青巒與白雲

贈廣通上人

身隨猿鳥在深山早有詩名到世間
客至上方留盃漱龍泓洞水畫巒髯

贈老將

白草黃雲塞上秋曾隨驃騎出并州
鞭韃劔折虬鬚白
轉戰功多獨不侯

戲贈表兄崔秀才

何事年年戀隱淪成名須遣及青春
明時早獻甘泉去
若待公車却悞人

醉後戲贈蘇九脩

蘇常好讀元魯山文比
或勸入闕者故戲及之

白首書窻成鉅儒不知簪組逼屠沽
勸君莫問長安路

且讀魯山于菴于

于菴于德秀
所爲歌也

權載之文集卷第三

權載之文集卷第四

唐權德輿字載之

詩

奉送韋起居老舅百日假滿歸嵩陽舊居

威鳳翔紫氛孤雲出寥天奇采與幽姿縹緲皆自然嘗
聞陶唐氏亦有巢由全以茲聳風俗豈必効羈牽大君
遂羣方左史蹈前賢振衣去朝市賜告歸林泉滑和固
難久循性得所便有名皆畏途無事乃真筌舊壑窮脊
窾新潭漾淪漣崑花落又開山月缺復圓輕策逗蘿逕
幅巾凌翠烟機閑魚鳥狎體和芝朮鮮四皓本避難二

疎猶待年况今寰海清復此鬢髮元顧慙纓上塵未絕
區中緣齊竿終自退心寄嵩峯巔

奉送孔十兄賓客承恩致政歸東都舊居

達人曠迹通出處每憶安居舊山去乞身已見抗疏頻
優禮新聞詔書許家法遙傳闕里訓心源早逐嵩邱侶
南史編年著盛名東朝侍講常虛佇角巾華髮忽自遂
命服金龜君更與白雲出岫暫逶迤鴻鵠入冥無處所
歸路依依童稚樂都門藹藹壺觴舉能將此道助皇風
自可殊途並伊呂

送密秀才吏部駁放後歸蜀應崔大理序

蜀國本多士，雄文似相如。之子西南秀，名在賢能書。薄
祿且未及，故山念歸歟。迢迢三千里，返駕一羸車。玉壘
長路盡，錦江春物餘。此行無慍色，知爾戀林廬。

送袁中丞持節冊南詔五韻

淨字

西南使星去，遠徹通朝聘。烟雨剌道深，麾幢漢儀盛。途
輕五尺嶮，水愛雙流淨。上國洽恩波，外臣遵禮命。離堂
駐駒馭，且盡罇中聖。

人日送房二十六侍御歸越

驛騎歸時驄馬蹄，蓮花府映若耶溪。帝城人日風光早，
不惜離堂醉似泥。

送張閣老中丞持節冊弔迴鵠

旌旆翩翩擁漢官，君行常得遠人歡。
分職南臺知禮重，輟書東觀見才難。
金章玉節鳴騶遠，白草黃雲出塞寒。
欲散別愁唯有醉，暫煩賓從駐征鞍。

送二十叔赴任餘杭尉

琴字

拜首直城陰，樽開意不任。
梅仙歸劇縣，阮巷奏離琴。
春草吳門綠，秋濤浙水深。
十年曾旅寓，應愜宦遊心。

奉送十四叔赴任渝州錄事絕句

中字

隨牒忽離南北巷，解巾都吏有清風。
巴城鑲印六聯靜，盡日閑謠廨署中。

送韋十二丈赴襄城令三韻

柳字

留連出關騎斟酌臨歧酒舊業傳一經新官栽五柳去
去望行塵青門重迴首

送薛十九丈授將作主簿分司東都賦得春草
芊芊遠郊外杳杳春崑曲愁處映微波望中連淨綠日
暮藉離樽折芳心斷續

送正字十九兄歸江東醉後絕句

命駕相思不爲名春風歸騎出關程離堂莫起臨歧歎
文舉終當薦禰衡

送張詹事致政歸嵩山舊隱

青字

解龜辭漢庭却憶少微星直指常持憲平反更恤刑閑
思紫芝侶歸卧白雲扃明詔憂筋力安車適性靈羣公
來藹藹獨鶴去真真想到揮金處嵩吟枕上青

送許著作分司東都

月旦繼平輿風流仕石渠分曹向瀍洛守職在圖書棣
萼榮相映瓊枝色不如賓朋爭漉酒徒御待巾車異日
始離抱維思烹鯉魚

送少清赴潤州參軍因思練湖舊居

得湖字

二紀樂簾瓢烟霞暮與朝因君宦遊去記得春江潮遠
別更搔首初官方折腰青門望離袂魂爲阿連銷

送濟上人歸揚州禪智寺

靈露宗通法已傳
麻衣筇杖去悠然
揚州後學應相待
遙想幡花古寺前

戲歲送李十兄赴黔中酒後絕句

一罇歲酒且留歡
三峽黔江去路難
志士感恩無遠近
異時應戴惠文冠

送張僕射朝見畢歸鎮

青光照目青門曙
玉勒琇戈擁駟馭
東方連帥南陽公
文武吉甫如古風
獨奉新恩來謁帝
感深更見歌詩麗
共看三接欲爲霖
却念百城同望歲
雙旌去去戀儲胥

歸路鶯花伴隼旗今日漢庭求上畧留侯自有一編書
送韋行軍員外赴河陽

五年武弁侍明光輟佐中權拜外郎紀事還同楚倚相
傳經遠自漢扶陽離堂處處羅簪組東望河橋壯鞞鼓
三城曉角啟軒門一縣繁花照蓮府上畧儒風並者稀
翩翩騶騎有光輝只今右職多虛位應待他時仗節歸

送韋中丞奉使新羅

往字

淳化洽聲明殊方均惠養計書重譯至錫命雙旌往星
辭北極遠水泛東溟廣斗柄辯宵程天琛宜畫賞孤光
洲島迥淨綠烟霞敞展禮盛賓徒交歡覲君長經途勞

視聽愴別禁夢想延頸旬歲期新恩在歸鞅

送從翁赴任長子縣令

家風本鉅儒吏職化雙鳧
啟事才方愜臨人政自殊
地雄韓上黨秩比魯中都
拜首春郊夕離盃莫向隅

送從弟廣東歸絕句

夏雲如火鏢晨輝
歛段藤車整素衣
知爾業成還出谷
今朝莫愴斷行飛

送王練師赴王屋洞

稔歲在芝田歸程入洞天
白雲辭上國青鳥會羣仙
自以基銷日寧資藥駐年
相看話離別風馭忽泠然

送薛溫州

鶯字

昨日饋連營今來刺列城方期建禮直忽訪永嘉程郡
內裁詩暇樓中遲客情憑君減千騎莫遣海鷗驚

送黔中裴中丞閣老赴任

迴字

五諫留中禁雙旌輟上才內臣持鳳詔天廡錫龍媒宴
語睽蘭室輝榮亞柏臺懷黃宜命服舉白歎離杯景霽
山川迴風清霧露開辰溪分浩淼楚道接縈迴勝理環
中得殊琛徼外來行看旬歲詔傳慶在公台

送崔諭德致政東歸

天子坐法官詔書下江東懿此嘉遯士蒲車起邱中褐

衣入承明朴畧多古風直道侍太子昌言沃宸聰崑居
四十年心與鷗鳥同一朝受恩澤自說如池籠乞骸歸
故山累疏明深衷大君不奪志命錫忽以崇旭旦出國
門輕裝若秋蓬家依白雲嶠手植丹桂藂竹齋引寒泉
霞月相玲瓏曠然解赤紱去逐真真鴻

送三十叔赴任晉陵

心字德輿舊居在丹陽去晉陵百里

春雲結暮陰侍坐捧離襟黃綬輕裝去青門芳草深十
年塵右職三逕寄遐心便道停橈處應過舊竹林

送安南裴都護

忽佩交州印初辭列宿文莫言方任遠且貴主憂分迥

轉朱鳶路連飛翠羽羣
戈舡航溟海旌旆卷炎雲
絕徼寒帷識名香夾轂焚
懷俠通北戶長養洽南薰
暫歎同心阻行看異績聞
歸時無所欲蕙苾或煩君

送別阮汎

念爾強學殖艸貫早從師
溫溫稟義方慥慥習書詩
計偕來上國宴喜方怡怡
經術旣脩明藝文亦蔚蕤
伊予諒無取瑣質荷鴻慈
偶來貳儀曹量力何可支
廢業固相受避嫌誠自私
徇吾剌促心踈爾康莊姿
古人貴直道內訟乖坦夷
用茲處大官無乃玷清時
羸車出門去悵望交涕洟
琢磨貴分陰歲月若駸馳
千里起足下豐

年繫磁鏃苟令志氣堅佇見纓珮隨斑斕五綵服前路
春物熙舊遊憶江南環堵留蓬茨湖水白於練尊羹細
若絲別來十三年夢寐時見之寵榮忽踰量荏苒不自
知晨興愧華簪止足爲靈龜退路各自愛大來行可期
青冥在目前努力調羽儀

送工部張曹長大夫奉使西蕃

殊隣覆露同奉使小司空西候車徒出南臺節印雄弔
祠將渥命導驛暢皇風故地山河在新恩玉帛通塞雲
凝廢壘關月照鷺蓬青史書歸日翻輕五利功

九華觀宴餞崔十七叔判官赴義武幕兼呈書

記蕭枝書

炎光三伏晝洞府宜幽步宿雨潤芝田鮮風搖桂樹陰
陰臺殿敞靡靡軒車駐晚酌臨水情晨裝出關路偏榮
本郡辟倍感元臣遇記室有門人因君達書素

送文暢上人東遊

桑門許辯才外學接宗雷護法麻衣淨翻經貝葉開宗
通知不染妄想自堪哀載結西方社師遊早晚迴

送靈武范司空

上畧在安邊吳鈞結束鮮三公臨右地七萃擁中堅舊
壘銷烽火新營辯井泉伐謀師以律賈勇士爭先塞迴

晴看月沙平遠際天策勲知屈指應在盛秋前

送商州杜中丞赴任

安康地里接商於帝命專城總賦輿夕拜忽辭青瑣闥
晨裝猶捧紫泥書深山古驛分騶騎芳草閑雲逐隼旗
綺皓清風千古在因君一爲謝巖居

送殷卿罷舉歸淮南舊居

計偕十上竟無成忽憶崑居便獨行志業嘗探絕編義
風塵虛作弄繡生歲儲應歎山田薄里社時逢野醞清
惆悵中年羣從少相看欲別倍關情

權輿文集卷第四

權載之文集卷第五

唐權德輿字載之

雜詩

送杜尹赴東都

商於留異績河洛賀新遷
朝選吳公守時推杜尹賢
如綸披鳳詔出匣淬龍泉
風雨交中土簪裾敝別筵
清明人比玉照灼府如蓮
佇報司州政徵黃似潁川

送孔江州

一作送之九江

九派尋陽郡分明似畫圖
秋光連瀑布晴翠辨香鑪
才子厭蘭省邦君榮竹符
江城多暇日能寄八行無

送渾鄧州

年少守南陽新恩印綬光輕軒出繞雷利刃發于將風
勁初下葉雲寒方護霜想君行縣處露冕菊潭香

堽橋達奚四于十九陳大三侍御夜宴教各賦

二韻

滿樹鐵冠瓊樹枝樽前燭下心相知明朝又與白雲遠
自古河梁多別離

酬別蔡十二見贈

伊人茂天爵恬澹卧郊園傲世方隱几說經久穎門浩
歌曳柴車詎羨丹轂尊嚴霜被鶉衣不知狐白溫游心

義文際愛我相討論漢汙忽朝宗傳騎令載奔崢嶸
陰晚愀愴離念繁別館絲桐清寒郊煙雨昏中飲見逸
氣縱談窮化元佇見公車起聖代待乞言

揚州與丁山人別

將軍易道令威仙華髮清談得此賢惆悵今朝廣陵別
遼東後會復何年

送台州崔錄事

不嫌臨海遠微祿代躬耕古郡紀綱職扁舟山水程詩
因琪樹麗心與瀑泉清盛府知音在何時薦政成

送信安劉少府

自常州
尋遷授

相看結離念盡此林中
淥夷代輕遠遊上才隨薄祿
參卿滯孫楚隱市同梅福
吏散時泛絃賓來閑覆局
襟情無俗慮談笑成逸躅
此路足灘聲美君多水宿

送李城門罷官歸嵩陽

城門院在
遺補院東

與君相識處吏隱在牆東
啟閉千門靜逢迎兩掖通
罷官多暇日肄業有儒風
歸去塵寰外春山蘭桂叢

送上虞丞

越郡佳山水菁江接上虞
計程航一葦試吏佐雙鳧
雲壑窺仙籍風謠驗地圖
因尋黃絹字爲我弔曹盱

送盧評事婺州省觀

知向東陽去晨裝見綵衣客愁青眼別家喜玉人歸漠
漠水烟晚蕭蕭楓葉飛雙溪泊舫處候吏拜胡威

送崔端公

已見風姿美仍聞藝業勤清秋上國路白晳少年人帶
月輕帆疾迎霜綵服新過庭若有問一爲說漳濱

送張周二秀才謁宣州薛侍郎

儒衣兩少年春掉穀溪舫湖月供詩興風嵐費酒錢上
帆涵極浦欹枕傲晴天不用愁羈旅宣城太守賢

送張將軍歸東都舊業

功名不復求舊業向東周白草辭邊騎青門別故侯摧

殘寶劍折羸病綠珠愁日暮寒風起猶疑大漠秋

送句容玉少府簿領赴上都

上國路縣縣行人候曉天離亭綠綺奏鄉樹白雲連江
露濕征袂山鷺宜泊舡春風若爲別相顧起樽前

送從弟謁員外叔父迴歸義興

異鄉兄弟少見爾自依然來酌林中酒去耕湖上田何
朝逢暑雨幾夜泊漁煙餘力當勤學成名貴少年

送梁道士謁壽州崔大夫

年少一仙官清羸駕絲鸞洞宮雲渺渺花路水漫漫歲
計芝田熟晨裝月帔寒遙知小山桂五馬待邀歡

送鄭秀才貢舉

西笑意如何知隨貢舉科吟詩向月露驅馬出烟蘿晚
色平蕪遠秋聲候鴈多自怜歸未得相送一勞歌

送謝孝廉移家越州

家承晉太傅身慕魯諸生又見一帆去共愁千里程沙
平古樹迴潮滿曉江晴從此幽深去無妨隱姓名

送韓孝廉侍從赴舉

貢士去翩翩如君最少年綵衣行不廢儒服代相傳曉
月經淮路繁陰過楚天清談遇知己應訪孝廉舡

送陸拾遺祇召赴行在

鵝鷺承新命，翻飛入漢庭。
歌詩能合雅，獻納每論經。
月曉蜀江迴，猿啼楚樹青。
幸因焚草暇，書札訪沉冥。

送暎師歸本寺

還歸柳寺去，遠遠出人羣。
苔甃桐華落，山窻桂樹薰。
引泉通絕澗，放鶴入孤雲。
幸許宗雷到，清談不易聞。

送宇文少府赴官

送君當歲暮，斟酒破離顏。
車騎擁寒水，雪雲凝遠山。
且安黃綬屈，莫羨白鷗閑。
從此圖南路，青雲步武間。

送岳州溫錄事赴任

解巾州主簿，捧檄不辭遙。
獨鶴九霄翼，寒松百尺條。
晨

裝沾雨雪，宿候風潮。爲政閑無事，清談肅郡僚。

送山人歸舊隱

工爲楚辭賦，更著魯衣冠。歲儉山田薄，秋深晨服寒。代人榮鶩領，志士戀漁竿。會被公車薦，知君久晦難。

惠上人房宴別

方袍相引到龍華，支策開襟路不賒。法味已同香積會，禮容疑在少施家。逸民羽客期皆至，疎竹青苔景半斜。究竟相依何處好，匡山古社足烟霞。

送裴秀才貢舉

儒衣風自清，去抵漢公卿。賓貢年猶少，篇章藝已成。臨

流惜暮景話別起鄉情離酌不辭醉西江春草生

送袁太祝衛婺巡覆

同用山字

校緡稅畝不妨閑清興自隨魚鳥閒知君此去足佳句
路出桐溪千萬山

送湖南李侍御赴本使賦採菱亭詩

舊俗採菱處津亭風景和沅江收暮藹楚女發清歌曲
岸繁細葉荒堦上白波蘭橈向蓮府一爲枉帆過

送穆侍御東都

知君儒服貴綵繡兩相輝婉婉成名後翩翩擁傳歸江
深烟嶼沒山暗雨雲飛共待酬恩罷相將去息機

送崔端公赴度支江陵院三韻

照字

津亭風雪霽，酒留征棹星。
傳指湘江瑤，琴多楚調偏。
愁欲別處黯，黯頽陽照。

送陸太祝赴湖南幕同用送字

三韻

不憚征路遙，定緣賓禮重。
新知折柳贈，舊侶乘籃送。
此去嘉句多，楓江接雲夢。

送李處士歸弋陽山居

根姓名
中用韻

暫來城市意，何如却憶葛陽溪。
上居不憚薄田輸，井稅自將嘉句著。
州閭波飜極浦檣，竿出霜落秋郊樹。
影疎想到家山無俗侶，逢迎只是坐籃輿。

送清浚上人謁信州陸員外

暫辭長老去隨緣
候曉輕裝寄客舡
佳句已齊康寶月
清談遠指謝臨川
灘經水瀨逢新雪
路過漁潭宿暝煙
暇日若隨千騎出
南巖只在郡樓前

送別同用澗字

三韻

耿耿離念繁蕭蕭涼葉脫
緇塵素衣敝風露秋江瀾
想得讀書窻巖花對巾褐

送人使之江陵

賞字

嘉招不辭遠捧檄利攸往
行役念前程讌游睽舊賞
征軺星乍動江信潮應上
煙水飛一帆霜風搖五兩
紛紛

別袂舉切切離鴻響後會杳何時悠然勞夢想

餘干贈別張二十二侍御

蕪城陌上春風別千越亭邊歲暮逢驅車又管南北路
返照寒江千萬峯

雜言賦得風送崔秀才歸白田限三五六七言

植字

響深澗思啼猿聞入蘋洲暖輕隨柳陌暗澹蕩乍飄雲
影芳菲遍發花源寂寞春江別君處和煙帶雨送征軒
雜言同用離騷體送張評事襄陽覲省

黯離堂兮日晚傲壺觴以送遠遠水齊兮微明杜蘅秀

今白芷生波沄沄兮烟羅霧凝暮色於空碧紛離念兮
隨君沂九江兮經七澤君之去兮不可留五采棠兮木
蘭舟

嶺上逢久別者又別

十年曾一別征路此相逢馬首向何處夕陽千萬峯

贈別表兄韋卿

新讀兵書事護羌腰間寶劍映金章少年百戰應輕別
莫笑儒生淚數行

古離別

人生天地間譬若六轡馳天壽既常數奈何生別離跡

當中人域正性日已衰是非千萬境杳靄情塵滋出門
事何常暫別亦難期冉冉歎流景悠悠限山陂盡此一
夕歡華筇會前婢鷄鳴東方曙夙駕臨通達欲出強移
步欲留難致辭兩情不得已念此留何爲天明去已遠
寂默居人歸入門復上堂恍恍生驚疑經履同遊處猶
言常相隨覽物或臨鏡翻怪來何遲乃知前日歡本爲
今日悲翻思別後心寧及未見時則知交疎分久久難
易持報君未別後別後當自知

權載之文集卷第五